

SINLAI 10: 1 Kor. 12:1-11

THUPI

Kha Thilpiakte

TANGVOM: 12:7

*Himahleh Kha theihsakna
michih kiphattuampih
chiat na ding in piak ahi.*



TUNI SINLAI DING: 1 KOR. 12:1-11

1. Tu in unaute aw, khalam thilpiak thute na theihlauh uh ka utkei hi. **2.** Zentel-te na hihlai un bangchi dan peuh a hon pilai un leng, huai milim pau theiloute lam ah pimang in na om uh chih na thei uhi. **3.** Huaiziak in kuamah in, Pathian Kha a thu gen in, “Jesu hamsiat in om hen,” a chi ngeikei. Huan kuamah in, Kha Siangthou kia loungal in, “Jesu Toupa ahi,” a chi ngei kei uh chih ka hon theisak hi. **4.** Huan thilpiak tuamtuum a om a, Kha bel kihat ahi. **5.** Nasepna tuamtuum leng a om, himahleh Toupa khat ahi. **6.** Nasepna tuamtuum leng a om, himahleh Pathian khat ahi, mi tengteng a bangkim sempa ahi.

TUNI SINLAI DING: 1 KOR. 12:1-11

7. Himahleh Kha theihsakna michih kiphattuampih chiat na ding in piak ahi. **8.** Mikhat kiang ah Kha in pilna thu a pia hi; midang kiang ah, huai Kha mah in theihna thu a pia hi. **9.** Huan midang kiang a, huai Kha mah in, ginna a pia a; midang kiang ah hihdamtheihna a pia hi; **10.** Midang kiang ah thil lamdang hihtheihna, midang kiang ah thugenkhoh theihna, midang kiang ah khate theihkak theihna, midang kiang ah pau tuamtuate, midang kiang ah pautuate hihchetna. **11.** Himahleh hiaite tengteng Kha khat leh a kikhat mah in, michih kiang ah a deih bang zel a hawm in a sem hi.

ETKIKNA & ETLAWKNA

- ***Sinlai 9 Etkikna:***

- **Toupa Nitak Ankuang toh kisai:**

- Siatsemna a a zat ziaak ua phat theilou.
- Toupa Nitak Ankuang hihna leh zat ding dan.

- ***Sinlai 10 Etlawkna:***

Kha Thilpiakte (spiritual gifts) toh kisai 12:1-14:40 kikal ah gen hi. Tuni in a bulpatna I nei ding...

I. KHA THILPIAK A POIMOHNA: 1-3

1. *Tu in unaute aw, khalam thilpiak thute na theihlauh uh ka utkei hi.* **2.** *Zentel-te na hihlai un bangchi dan peuh a hon pilai un leng, huai milim pau theiloute lam ah pimang in na om uh chih na thei uhi.*

- **“Tu in:”** Toupa Nitak Ankuang topic apan topic dang a lutdek chihna ahi. Khalam thilpiakte toh kisai a chian mahmah uh deih.
- **Theihthaksakna:** *reminder*
 - Na pianthak ma ua khalam saltang a pimang a om, milim pau theilou khawng bia a om nahih lam uh kithei un. Huaiziak in, hiai thu toh kisai theihkheih theih a om hi.

I. KHA THILPIAK A POIMOHNA: 1-3

3. *Huaiziak in kuamah in, Pathian Kha a thu gen in, “Jesu hamsiat in om hen,” a chi ngeikei. Huan kuamah in, Kha Siangthou kia loungal in, “Jesu Toupa ahi,” a chi ngei kei uh chih ka hon theisak hi.*

- **Kha thilpiak nei leh neilou theihchetna:**

1. Jesu hamsiat lou ding uh: *anathema*

2. Jesu tuh Toupa ahi chi ding uh: *kurios*

- Mihingte “toupa” chi a kizam om tham hi. Himahleh Kurios (NT) leh Adonai (OT) te Pathian genna in kizang hi.

▪ Judate’n YHWH a genkhiak ngamlouh ziak un Adonai zang uhi.

II. KHA THILPIAKTE KIPATNA: 4-6

4. Huan thilpiak tuamtuum a om a, Kha bel kikhath ahi. 5.

Nasepna tuamtuum leng a om, himahleh Toupa khat ahi. 6.

Nasepna tuamtuum leng a om, himahleh Pathian khat ahi, mi tengteng a bangkim sempa ahi.

- Hiai ah Kha thilpiakte kipatna **Pathian** ahihdan Chiang hi.
- Kha thilpiak tuamtuum om mahleh kikhenna ding hilou a, *kipumkhat a kilamtouhna ding* ahihdan genchetna in **trinity** a hon genlang hi.
- **Trinity?**
 - Kha (Spirit) khat, Toupa (Lord) khat, Pathian (God) khat. Kipumkhat a gingtu hinkhua a semkhawm.

II. KHA THILPIAKTE KIPATNA: 4-6

4. Huan thilpiak tuamtuum a om a, Kha bel kikhath ahi. 5.

Nasepna tuamtuum leng a om, himahleh Toupa khat ahi. 6.

Nasepna tuamtuum leng a om, himahleh Pathian khat ahi, mi tengteng a bangkim sempa ahi.

- **v.4: thilpiak tuamtuum om:** *varieties of gifts*
- **v.5: nasepna tuamtuum om:** *varieties of service*
- **v.6: nasepna tuamtuum om:** *varieties of activities*

Hiaite tengteng a kipatna leh semkhe saktu Pathian ahi.

Huaiziak a khalam thilpiakte Pathian min thupina ding, saptuum kipumkhatna ding, leh kilamtouh tuahna ding a zat ding ahi.

III. KHA THILPIAK IN A TUP: 7

7. *Himahleh Kha theihsakna michih kiphattuampih chiat na ding in piak ahi.*

- Hiai ah Kha thilpiak tuamtuate piak na ziak (a tup) hon genchian hi: **michih kiphattuampih chiat na ding** (for the common good).
- Michih thilpiak tan kibang lou a, thilpiak teng ana tangkha vek chih leng omlou hi. I tan chiat midang hoihna ding leh saptuam lamtouna ding a zat ding ahi.

IV. KHA THILPIAK TUAMTUAMTE: 8-10

8. *Mikhat kiang ah Kha in pilna thu a pia hi; midang kiang ah, huai Kha mah in theihna thu a pia hi.* **9.** *Huan midang kiang a, huai Kha mah in, ginna a pia a; midang kiang ah hihdamtheihna a pia hi;*

- **Pilna thu:** *logos sophias*
 - Pathian thupiak theisiam a zuih theihna thilpiak.
- **Theihna thu:** *logos knoseos*
 - Mi tampite sutkhiak zohlouh Pathian thugukte theihtheihna leh hilhsawn theihna thilpiak.

IV. KHA THILPIAK TUAMTUAMTE: 8-10

8. *Mikhat kiang ah Kha in pilna thu a pia hi; midang kiang ah, huai Kha mah in theihna thu a pia hi. 9.* *Huan midang kiang a, huai Kha mah in, ginna a pia a; midang kiang ah hihdamtheihna a pia hi;*

- **Ginna:** *pistis*
 - Ginna ziak a hotdam hivek ihi a, himahleh hiai ginna ngeina sang a thupi zaw ginna thilpiak genna ahi.
- **Hihdam theihna:** *iematon*
 - Natna khatpeuh hihdam theihna thilpiak ahi. Himahleh Pathian in natna leh damlou teng hihdam veklou hi.

IV. KHA THILPIAK TUAMTUAMTE: 8-10

10. *Midang kiang ah thil lamdang hihtheihna, midang kiang ah thugenkholh theihna, midang kiang ah khate theihkak theihna, midang kiang ah pau tuamtuamte, midang kiang ah pautuamte hihchetna.*

- **Thil lamdang hihtheihna:** *dunameon*
 - Thilhihtheihna (power) genna ahi; hihdam theihna sang in a uap lianzaw hi.
 - Pathian in a sikhate *thugen namkipna ding* a a piak ahi.
- **Thugenkholh theihna:** *propheteia*
 - Thugenkholh a tangtun leh tunlouh in thilpiak a tak leh taklouh gen hi.

IV. KHA THILPIAK TUAMTUAMTE: 8-10

10. *Midang kiang ah thil lamdang hihtheihna, midang kiang ah thugenkholh theihna, midang kiang ah khate theihkak theihna, midang kiang ah pau tuamtuamte, midang kiang ah pautuamte hilhchetna.*

- **Khate theihkak theihna:** *diakrisseis pneumaton*
 - *“Pathian a kipan ka muh ahi”* chite thugen etchet theihna thilpiak.
- **Pau tuamtuamte:** *gene glosson*
 - **Ryrie:** *“leitung mite pau mah, a pautu pen in a theih ngeilouh; Pathian in pau theihna a piak.”*
 - **Greco-Roman biaknate ah:** *zukham a khophawk lou a lamna ah*

IV. KHA THILPIAK TUAMTUAMTE: 8-10

10. *Midang kiang ah thil lamdang hihtheihna, midang kiang ah thugenkholh theihna, midang kiang ah khate theihkak theihna, midang kiang ah pau tuamtuamte, midang kiang ah pautuamte hilhchetna.*

- **Pautuamte hilhchetna:** *hermeneia glosson*
- **Ryrie:** *thugen za mite theihshiam ding a amau theihshiam pau a genchian theite..."*
- **A tup:** Pathian thudik zaksak (communicate) leh namkip (authenticate)
- **A poimohna:** pau theihlauh a pau sang in a hilhchet theihna poimoh zaw bang hi. Huchilou a tongues in omzia neilou ding.

V. KHA THILPIAK LEH PATHIAN THUNEIHNA: 11

11. *Himahleh hiaite tengteng Kha khat leh a kikhath mah in, michih kiang ah a deih bang zel a hawm in a sem hi.*

- **“Hiaite tengteng:”** kha thilpiak kigente tengteng
 - **A tuamtuan himahleh:** a petu khat ahi.
 - Pathian a kipumkhatna kilang hi.
 - **Kha thilpiak hawmna ah Pathian thuneihna kilang hi:** michih kiang a a deih bang zel a hawm a sem.
- Huaiziak a, kuamah kisimmoh ding leh kitawisang tuam ding omlou. Saptuam sung kikhenna ding hilou a, kipumkhatna ding hizaw.

THUKHITNA

- Kha dik leh diklou chetna hoih: Jesu Khrist hihna thu ah.
- Kha thilpiak leh siamna/hihtheihna (talent) kibatlouhna
- Na kha thilpiak bang ahia?
- Pau theihlauh a pauna toh kisai...
- Kilamtouh nang, kipumkhat nang in aw...